

龜

巢

藁



龜巢藁卷之一

賦類

弔豫讓賦併序

予讀史遷刺客傳閱豫讓亦廁於荆軻之列

也故作賦以弔之

嗟忠臣與義士兮何正氣之烈
嗟忠臣與義士兮何正氣之烈
嗟忠臣與義士兮何正氣之烈
志兮豈存亡以改節仰豫子之炳
之所讎感知己以滅身兮雖九死其何尤
欲潛名以匿姓兮乃絕踪而滅迹
爰漆身而吞炭兮雖家人而不識
前詐刑以塗廁兮後伏橋而塞



衣雖七首之不利兮惟趙孟之不忘彼友不諒
厥志兮哀其生之自苦曰汝才而臣之兮必近
幸而釋汝計何逞而不行兮欲何求而不遂胡
戕形以毀質兮乃前跋而後蹇伊賢哲之確志
兮固始終而不渝旣指生以為誓兮肯中道而
改途身雖朽而無恙兮義不可以暫離聲雖喑
而不顧兮行不可以少虧信所為之孔艱兮忘
所謀之不長將愧人臣之不忠兮遑恤予身之
見傷苟委質而求殺兮乃吾心之已貳仇不足

以報趙兮德不信于酬志念智氏之知己兮延
國士而遇予忽反君以事讎兮殆天豕之弗如
嗟夫子之言行兮與日月而爭光邇千載之遠
遼兮紛郁其遺芳何太史之不可考信兮列
彼名于刺客夫豈碌碌之燕荆兮豈屈屈之軹
聶士有沽譽而作善兮有邀利而行義苟有為
而為之兮雖似真而寔偽彼知瑤之既殲兮及
智宗之既夷夫子之身無所托兮夫子之心為
可知乃抗節而効死兮豈擇名而蹈利彼太史

之載筆兮胡不彰而反蓋自古孰不有死兮貴
委命之得所諒夫子非匹夫之勇兮宜君子之
所與雖笑貌之不可得兮氣凜凜其猶生撫遺
史而歌吊兮表夫子之忠貞亂曰松柏之剛有
時折兮金石之堅有時裂兮惟忠惟義効斯竭
兮匪顧匪慮終吾節兮烈烈豫子勇且決兮獲
正而斃復何說兮不有君子疇發越兮千古萬
古祇刺客兮

復賦

陰陽消長之理無往不返蓋一闔而一闢者也
夫幹流推旋無端無始此天道之所以立也當
其玉衡建子金鐘調律而微陽之脉已驗葭灰
於緹室也夫剥窮上而反下則其象已具于食
碩果之不食而七日之始旋蓋其幾動于日至
之日也吾嘗觀雷在地中之象而得其說夫雷
陽也地陰也壯陰閉於九野而潛陽昭于窮泉
則造化之至理生、而不息者也且萬物既老
于坤而萌芽于復蓋俱春生之不蕃故以養以

藏之甚密也然必自掩身而齋戒禁嗜慾于聲色于以待陰陽之初定存萬感于一寂也況乎無疾無咎而利有攸往寔幸聖人幸君子之道長于是乎陽扶而陰抑者也然則復其見天地之心微至誠者亦孰得而識也且天地理之復固有其常而人心之復亦不可逆故夫惡極必善亂極必寧柔極必剛晦極必明蓋以天生斯人靈于萬物者也若夫迷而未遠乃能邁返則若醉而得醒夢之得覺譬如夜氣之清不受乎

旦晝之咄也信能獲其萌于隱微之際則朝乾
夕惕以全君子修身之大節也凜乎其頻復之
厲裕乎其休復之吉也卓乎其獨復之勇厚乎
其敦復之實也赧乎其迷復之凶必自強而不
自孽者也夫惟顏子其殆庶矣因從事于克復
而得善則服膺而弗失者也蓋其明以察矣剛
以致決故優乎入聖人之室也彼聖此愚均
是人耳增予心之慙也君子則齊其心而不敢
放則善端綿而不絕也然則欲遏人欲而反

天理亦唯謹獨之念而幾微之不忘也

斥鷃賦

維二氣之妙凝播庶類于羣生嗟斥鷃之至微
亦稟氣而載形其薄質之輕儗無華采之煥明
味不登于鼎俎羽不用于旗旌既無虞于罟網
又何慮于弋矰于是庭除之際藩籬之下匪乘
而遊繫匹而處決然而躍踰蹌然而起物莫能害
樂得其所匪崇菑繄匪薄榛莽苟可投迹鼓翼
斯舉匪陋麻菽匪美稷黍苟可充食俯沫斯取

夫其委命而足順理而安欲無所縱樂無所盤
不用賄而致焚不藏珍以取患不飾身以賈禍
不懷音而見殘靜若守而有待動若倦而知還
雖形微而處僻任此生之自然彼其魯雞之闔
胡鷹之勢介距在身條鏃在體鸚鵡能言而入
籠孔雀飾外而受制或產絕垠或生遐裔傷忼
儷之相違哀母子之偕逝縱倏存而倖免亦貌
慘而心悴豈非形色之壞材質之偉為世所用
為人所貴諒處身之不智終有累于斯世且夫

滄溟之鵬醢瓮之雞均一天地復奚累為萬品
一區要與之齊維茲斥鷃亦適其宜何重何輕
何高何卑小夫之辨又焉能知大人達觀夫復
奚疑

承露盤賦

粵古漢武乾龍御天身都富貴心慕神仙動出
塵之遐想訪妙道之真傳覬長生而又視與松
喬而相後先也爾乃氣類翕從精神感召秘方
畢進至人胥造授異術之玄機論延年之至寶

匪玉其芝匪瑤其草采乾坤之精爽庶可臻于
壽考于是烹蜀道之美銅襍麗水之良金既嘯
霆而煽電亦穴陽而治陰築柏梁之崇臺卓天
表而嶽峯諒弥高而弥峻非可計于文尋觀其
屹若雲峯壯如砥柱表斷鰲以立極縣矚龍而
行而竊造化之工巧有鬼神之呵護尔乃抗以
仙掌冒以金盤詫飈輪之閃々驚園規之桓々
騁怪誕于羣姓馳雄偉于千官至人進曰竒功
既成吾事已濟願舉玉趾臨幸其地于是天子

乃漱正陽含朝霞屏萬幾之思慮絕九重之紛
華迨夫夜澹氣冲雲銷月皓澍靈滙于重霄降
鮮英于清灝法々如飴霏々如膏不賴乎金丹
之鍊不屑乎玄霜之搗盖自然之嘉瑞真可以
後天而不老遂乃屑蜚瑤和溥珠靈脰飲麓穢
除神漿未擬醴泉焉如却五味以謝六塵又奚
啻石髓之醍醐也既而形超埃壒體若羽翼超
火不焦沉淵不濡浩兮如禦寇之御風翔兮如
蒙莊之化蝶盖夙昔之願以遂而求仙之能事

畢矣嗟乎吾觀漢武惑于方士既受誣于文成
復見欺于五利信荒唐之邪說殆無異于嬴政
之世彼其內嗜聲色外窮甲兵任貪天而黷貨
用酷吏而淫刑恣盤遊而無度極土木之經營
朝苦心而焦思夕疲神而憊精縱飛仙之有藥
復何可以長生觀其建元初政赫々明々罷黜
百氏表章六經彌綸治道網羅羣英信一代之
英主能持盈而守成使其慎厥始終進乎誠明
不玩于物不志于情泊乎其無為澹乎其太清

則不必餐玉濯擢金英處方壺登蓬瀛自可以
保真而養靜享無疆之遐齡是故至聖無欲存
順沒寧使漢武欲效唐虞之治胡不刻斯盤于
九字之湯銘

禦寒賦

有北鄰客訪于南隣主人曰四序相催暑往寒
來天時既變人事亦改風霜高潔水雪皚皚敢
問諸子將何以禦之哉主人對曰吾用吾計卿
用卿策請子先陳吾為子說客曰雄棲傑閣深

閨邃房綺窓不啓畫閣初粧紅爐獸炭煦若陽
春此予所居之處也主人曰予也桑柘竹牖且
塞且堦穴地作爐火惟煨燼客曰九醞之設八
珍之列炙鵝鴈炮羔膾鱉聚物天美咄嗟而
獲此吾所食之味也主人曰予也樽鳴可煨桑
落可傾一罌之雲復有茗烹客曰狐貉之裘綺
紵之服襦以文繡飾以金碧舍舊服新隨意所
適此吾衣服之費也主人曰予也帛以為襦卉
以為袴且縫且紉復著以絮客曰重屏既列邃